



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04) i člana 4. Pravilnika o nagrađivanju uspješnih mladih pojedinaca sa područja općine Centar Sarajevo („Službene novine Kantona Sarajevo“, broj: 2/24), Općinski načelnik upućuje

## JAVNI POZIV

### za dodjelu sredstava iz granta za nagrađivanje uspješnih mladih pojedinaca sa područja općine Centar Sarajevo

#### 1. PRAVO NA DODJELU SREDSTAVA MOŽE OSTVARITI:

Pojedinac koji je iz oblasti obrazovanja, nauke, kulture ili sporta osvojio jedno od prva tri mjesta na općinskom, kantonalnom, federalnom, državnom, balkanskom/regionalnom, evropskom ili svjetskom takmičenju te pojedinci za prepoznati socijalni i društveni angažman.

#### 2. USLOVI ZA OSTVARIVANJE PRAVA:

- da je državljanin Bosne i Hercegovine;
- da ima prebivalište na području općine Centar Sarajevo u neprekidnom trajanju od godinu dana do dana podnošenja prijave;
- ostvaren rezultat na kantonalnom, federalnom, državnom, balkanskom/regionalnom, evropskom i svjetskom takmičenju;
- starosti od 12 do 30 godina;
- pokretanje ili sudjelovanje u društveno odgovornim aktivnostima, kao i drugim akcijama ili programima socijalnog i humanitarnog karaktera prepoznatog u lokalnoj zajednici.

#### 3. NAČIN DODJELE NOVČANIH SREDSTAVA

Novčana sredstva za nagrađivanje uspješnih mladih pojedinaca sa područja općine Centar Sarajevo dodijelit će se za rezultat ostvaren u tekućoj kalendarskoj godini. Podnosilac zahtjeva može aplicirati jednom u toku kalendarske godine.

Na osnovu Pravilnika utvrđena je visina novčane nagrade na osnovu nivoa takmičenja i ostvarenog rezultata na istom, i to kako slijedi:

- Visina novčane nagrade za ostvarene individualne rezultate:

NIVO TAKMIČENJA	I mjesto	II mjesto	III mjesto
SVJETSKO TAKMIČENJE	1500,00 KM	1200,00 KM	1000,00 KM
EVROPSKO TAKMIČENJE	1000,00 KM	900,00 KM	800,00 KM
BALKANSKO/REGIONALNO TAKMIČENJE	700,00 KM	600,00 KM	500,00 KM
DRŽAVNO TAKMIČENJE	400,00 KM	350,00 KM	300,00 KM
FEDERALNO TAKMIČENJE	300,00 KM	250,00 KM	200,00 KM
KANTONALNO TAKMIČENJE	150,00 KM	100,00 KM	70,00 KM

b) Visina novčane nagrade pojedinca za ostvarene rezultate u parovima ili ekipnoj konkurenciji:

<b>NIVO TAKMIČENJA</b>	<b>I mjesto</b>	<b>II mjesto</b>	<b>III mjesto</b>
SVJETSKO TAKMIČENJE	500,00 KM	450,00 KM	400,00 KM
EVROPSKO TAKMIČENJE	400,00 KM	350,00 KM	300,00 KM
BALKANSKO/REGIONALNO TAKMIČENJE			
DRŽAVNO TAKMIČENJE	300,00 KM	250,00 KM	200,00 KM
FEDERALNO TAKMIČENJE	200,00 KM	150,00 KM	100,00 KM
KANTONALNO TAKMIČENJE	100,00 KM	70,00 KM	50,00 KM

Ukoliko jedno lice ostvari više rezultata na istom takmičenju u različitim disciplinama, visina novčane nagrade će se utvrditi na osnovu jednog rezultata i to onog koji je najpovoljniji za aplikanta.

Postavljanje novog državnog rekorda vrednovat će se jednako kao rezultat - osvojeno prvo (I) mjesto na regionalnom takmičenju.

Dobitnici nagrade za socijalni i društveni angažman vrednovat će se iznosom u visini od 500,00 KM.

Isplate sredstava pojedincima koji su ostvarili pravo na nagradu, dodjeljivat će se prilikom svečanog prijema u povodu obilježavanja značajnih datuma i to:

- a) **01. mart** – Dan nezavisnosti Bosne i Hercegovine,
- b) **08. maj** - Dan mladih Općine Centar Sarajevo,
- c) **12. august** – Svjetski dan mladih
- d) **25. novembar** – Dan državnosti Bosne i Hercegovine i
- e) **31. decembar** – obilježavanje Nove godine.

#### **4. POTREBNA DOKUMENTACIJA**

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije) :

- a) Uvjerenje o kretanju podnosioca zahtjeva;
- b) Dokaz ili potvrda o ostvarenim rezultatima na kantonalnom, federalnom, državnom, balkanskom/regionalnom, evropskom ili svjetskom takmičenju u tekućoj kalendarskoj godini, izdata od nadležne institucije ili organizatora takmičenja,
- c) motivaciono pismo lica koje je ostvarilo rezultat.
- d) Podnosilac zahtjeva koji aplicira za nagrađivanje iz oblasti socijalnog i društvenog angažmana dužan je dostaviti peticiju ili preporuku neformalne grupe građana, nevladine organizacije, ustanove ili institucije kojom dokazuje svoj angažman u zajednici, a koji je od značaja za Općinu.
- e) ugovor ili potvrda banke o otvorenom tekućem računu.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport elektronskim putem na mail adresu [mladi@centar.ba](mailto:mladi@centar.ba) ili putem protokola Općine Centar Sarajevo, ulica Mis Irbina br. 1.

Za sve dodatne informacije zainteresovana lica mogu pozvati broj telefona 033/562-384.

Javni poziv će biti otvoren do kraja tekuće godine, odnosno do utroška planiranih sredstava za ovu namjenu.

#### **Napomena:**

Služba je dužna sve pristigle zahtjeve riješavati u roku od 15 dana od dana prijema, te obavijestiti podnosioca zahtjeva o odluci i terminu svečanog prijema.